4-1201-2401/3171-сонли иш

ГУЛИСТОН ТУМАНЛАРАРО ИҚТИСОДИЙ СУДИНИНГ АЖРИМИ

(Даъво аризани кўрмасдан қолдириш тўғрисида)

Гулистон шахри

2024 йил 7 ноябрь

Гулистон туманлараро иктисодий суди, судья Б.Махмудов раислигида, судья ёрдамчиси Ж.Эгамова суд мажлиси котиблигида, даъвогар вакили Ф.Х.Усаров (2024 йил 31 январдаги №2-сонли ишончнома асосида), жавобгар вакили Н.Э.Османов (рахбар) иштирокида, даъвогар "Сирдарё минтакавий йўлларга буюртмачи хизмати" давлат муассасасининг жавобгар "РМК-128" масъулияти чекланган жамиятидан 137 711 400 сўм пеня ундириш тўгрисидаги даъво аризаси бўйича кўзгатилган иктисодий ишни ўз биносида, очик суд мажлисида кўриб чикиб, куйидагиларни

АНИКЛАДИ:

Даъвогар "Сирдарё минтақавий йўлларга буюртмачи хизмати" давлат муассасаси (кейинги ўринларда —даъвогар) Гулистон туманлараро жавобгар "PMK-128" иктисодий судига масъулияти чекланган жамияти(кейинги ўринларда —жавобгар)га нисбатан даъво ариза билан мурожаат қилиб, даъвода жавобгардан 137 711 400 сўм пеняни ундиришни сўраган.

Суд мажлисида иштирок этган даъвогар ва жавобгар вакили низо юзасидан тарафлар ўртасида медиатив келишув тузилганлигини маълум килиб, бу ҳақида медиатив келишувни тақдим қилишиб, медиатив келишув инобатга олишни сўрашди.

Суд, ишда иштирок этувчи шахсларнинг тушунтиришини тинглаб, ишдаги мавжуд ва суд мухокамаси жараёнида такдим этилган хужжатларни ўрганиб чикиб, куйидагиларга асосан даъвогарнинг даъво аризасини кўрмасдан колдиришни лозим топади.

Ўзбекистон Республикасининг Иқтисодий процессуал кодекси (кейинги ўринларда — ИПК) 131-моддасига биноан тарафлар низони келишув битимини ёки медиатив келишувни тузиб ҳал этиши мумкин. Келишув битими иқтисодий суд ишларини юритишнинг ҳар қандай босқичида ва суд ҳужжатини ижро этиш жараёнида, медиатив келишув эса биринчи инстанция судида суд алоҳида хонага (маслаҳатҳонага) суд ҳужжатини қабул қилиш учун чиққунига қадар тарафлар томонидан тузилиши мумкин.

Ўзбекистон Республикасининг "Медиация тўгрисида" Қонуннинг 15моддаси биринчи ва иккинчи қисмига кўра, медиация тарафларнинг хохишистаги асосида кўлланилади. Медиация суддан ташқари тартибда, низони суд тартибида кўриш жараёнида, суд хужжатини қабул қилиш учун суд алохида хонага (маслахатхонага) киргунига қадар, шунингдек суд хужжатлари ва бошқа органлар хужжатларини ижро этиш жараёнида қўлланилиши мумкин.

ИПКнинг 107-моддаси биринчи қисми 5³-бандига асосан тарафлар ўртасида медиатив келишув тузилган бўлса, суд даъво аризасини кўрмасдан қолдиради.

Иш хужжатларидан аникланишича, тарафлар ўртасида ихтиёрий асосларда 2024 йил 30 октябрь куни медиатив тартиб таомилини амалга ошириш тўгрисида битим ва ушбу санада медиатив келишув тузилган бўлиб, уларга кўра, жавобгар даъвогар томонидан талаб килинаётган 137 711 400 сўм пеня қарздорликни 2025 йил 25 апрель санасига қадар тўлаб бериши, даъвогар эса жавобгарнинг қарздорликни 2025 йил 25 апрель санасига қадар тўлиқ тўлаб бериш тўғрисидаги мажбуриятини олганлиги, тарафлар келгусида ўрталарида низоли холатлар келиб чикмаслик бўйича ўзаро келишиб олганлиги учун низони медиатив йўли билан хал бўлганлигини тасдиклаши, шунингдек, олдиндан тўлаб чикилган почта харажатларини даъвогар зиммасида колдирилишига келишилиб, тарафлар профессионал тартибда ҳаракат қилувчи медиатор Хасанов Жасур Жураевични танлаб олишган ва унинг иштирокида Гулистон туманлараро иктисодий судининг 4-1201-2401/3171-сонли иктисодий ишини медиация тартибида хал этилганлигини тасдиклашган.

Узбекистон Республикаси Олий суди Пленумининг 2019 йил 24 майдаги "Биринчи инстанция суди томонидан иктисодий процессуал конун нормаларини кўллашнинг айрим масалалари тўгрисида"ги 13-сон карорини 32-бандига кўра, ИПК 163-моддаси биринчи кисмининг 8-бандига мувофик судья тарафларни келиштириш чораларини кўради. Судлар низонинг характеридан келиб чиккан холда ишни келишув битими ёки медиатив келишув тузиш йўли билан тамомлашга кўмаклашишлари лозим. Низони келишув битими ёки медиатив келишув тузиш билан хал этиш имконияти ишни суд мухокамасига тайёрлаш пайтида хам (ИПК 163-моддаси биринчи кисмининг 8-банди, 163¹-моддаси биринчи кисмининг 3-банди), суд мухокамаси жараёнида хам (ИПКнинг 16-боби) аникланиши лозимлиги хакида тушунтириш берилган.

Суд, даъвогар томонидан такдим этилган 2024 йил 30 октябрдаги медиатив тартиб таомилини амалга ошириш тўгрисида битим ва медиатив келишув хамда унга илова килинган хужжатларни ўрганиб, битим ва медиатив келишув Ўзбекистон Республикасининг "Медиация тўгрисида" Конун ва ИПК талабларига мос холда расмийлаштирилганлиги, тарафлар низони ўзаро медиатив келишув йўли билан хал килганликларини, яъни иктисодий суд ишини юритишда низони хал этишга кўмаклашганлигини инобатга олиб, даъвогар томонидан киритилган даъво аризани кўрмасдан қолдиришни лозим топади.

Ўзбекистон Республикасининг "Давлат божи тўғрисида" ги Қонуни 18-моддаси биринчи қисми 9-бандига кўра агар тарафлар ўртасида медиатив келишув тузилган бўлса, ариза кўрмасдан қолдирилганда давлат божи қайтарилиши лозим, бирок Ўзбекистон Республикаси Президентининг 2017

йил 14 февралдаги "Ўзбекистон Республикаси Автомобиль йўллари давлат кўмитаси фаолиятини ташкил этиш тўғрисида"ги ПҚ-2776-сон Қарори 10-бандига асосан даъвогарнинг даъво аризаси олдиндан давлат божи тўловисиз иш юритишга қабул қилинганлигини инобатга олиб, давлат божини ундирувсиз қолдириб, олдиндан тўланган 37 500 сўм почта харажатларини даъвогар зиммасида қолдиришни лозим топади.

Юқоридагиларга асосан ҳамда Ўзбекистон Республикасининг Иқтисодий процессуал кодекси 107, 108, 109, 118, 130, 131, 170, 195-моддаларини қўллаб, суд

АЖРИМ КИЛДИ:

Даъвогар "Сирдарё минтақавий йўлларга буюртмачи хизмати" давлат муассасасининг жавобгар "РМК-128" масъулияти чекланган жамияти хисобидан 137 711 400 сўм пеняни ундириш тўғрисидаги даъво аризаси кўрмасдан қолдирилсин.

Даъвогар "Сирдарё минтақавий йўлларга буюртмачи хизмати" давлат муассасаси томонидан олдиндан тўлаб чикилган 37 500 сўм почта харажатлари зиммасида колдирилсин.

Давлат божи ундирувсиз қолдирилсин.

Ажримнинг кўчирма нусхаси тарафларга юборилсин.

Ажрим қабул қилингандан кейин бир ойлик муддат ўтгач қонуний кучга киради.

Ажрим устидан у қабул қилинган кундан эътиборан бир ойлик муддатда шу суд орқали Сирдарё вилоят судига апелляция тартибида ёки қонуний кучга кирган ва апелляция тартибида кўрилмаган ажрим устидан у қонуний кучга кирган кундан эътиборан олти ой ичида кассация тартибда шикоят қилиш (протест келтириш) мумкин.

Раислик қилувчи, судья

Б.Махмудов

